

ANIJ EJ KWAŁOK JERŌWIWI KO AN ADAM IM IV ŃAN ER

Köttōpar ko an katak in:

- Kwałok kōn men ko me re ban lõmoḡren kōj.
- Kwałok bwe Anij ej aikuj in ekajet jerŋwiwi.
- Kwałok men ko im armej rej aikuj in loi kōn nana ko aer.

Mejele ko rełap ilo katak in:

- Jen lo bwe je ban mour ilañ kōn an emman ad jermal.
- Jen lo bwe Anij ej kappukot kōj meñe je jab kappukot E.
- Jen lo bwe e nana jekpen; jej aikuj errā ippān Anij kōn jerŋwiwi ko ad.

1. Ruo bōd me armej rej ba ilo raan kein.

(1) Ewor juon jiriłok kilelep ippān armej. Je kōḡaan make kawānōk kōj im kadikłok tokjān ad nana. Ilo aelōñ kein je kijoñ ba, “Emōj an itok meram in Gospel ñan aelōñ kein.” Ta mool ke emōj an itok meram in Gospel?

Baj reito-reitak im kallimjek jerŋwiwi ko me rej buñbuñ tata ilo aelōñ kein. E mool bwe elōñ kain kabuñ ko ilo aelōñ kein. E mool bwe elōñ mejenede in Būrotijen raar itok. Ak ejab mejele bwe e kajoor Gospel ilo aelōñ kein.

Ilo Amedka, jabdewōt iien ñe jej wia, jej lo jet naan ilo aolepen jāān ko me rej ba, “In God we trust” ak “Jej lōke Anij.” Juon ri kaki in balle ear ba, “Bōlen emman łok ba, ‘In Gold we trust’ ak ‘Jej lōke kool ak peba green.’” Ta mool ke bwe ełap an ri Amedka lōke Anij? Ilo Amedka jej lo bwe ejja jerŋwiwi ko me rej poplar ijin rej bar poplar ie.

Emōj an itok
meram in Gospel
ñan aelōñ kein.



Ilo raan kein, ełap:

- kḡot
- dike armej
- kadek
- ellolo im koba (lōñ)
- jab tiljek ilo jikin jermal
- jab kōllā muri ko



Mool ke e moottok meram ñan aelōñ kein? Bōlen jen ba bwe e moottok kabuñ im juon wāween mour ñe armej re jab manman doon āinwōt ilo iien etto.

(2) Bar juon men me jet armej rej ba: “Ełaññe emman aō jermal, inaj mour ilañ.” Mool ke? Āindein ke wāween an Anij jermal im bōk armej? Mokta jān an Adam kañe leen wōjke eo, elōñ ke an jerŋwiwi?



Elaññe emman aō jermal, inaa j mour ilañ.

Ear dike ke, ak koṭ, ak illu, ak utiej būruon? Jaab. Ejjeḷok juon nana ippān. Eḷap an emman jermal ko an.

Innām ke ear kañe leen wōjke eo, e kar jete an jerowiwī ilo iien eo? Juon wōt. Im Anij ear ba ta? En mej otem mej, im Anij ear joḷok e jān jikin kallib eo. Ekwe, jete jerowiwī emōj aṃ kōmmane? Elōñ jān juon ke? Aet! Innām eḷaññe Anij e jab bōk Adam, meñe juon wōt an jerowiwī, im eḷap an emman jermal ko an jān jermal ko ad, Anij enaa j bōk kōj ke? E ban. Jen jab ba, “Eḷaññe emman jermal ko aō, inaa j mour ilañ,” bwe e jab mool. Jermal ko an Adam remmanḷok jān jermal ko ad, im raar jab bwe.

*** Anij e kwōjarjar im wānōk. Ej ba bwe ro rej jerowiwī rej aikuj in mej.**

Eḷaññe Adam ear joḷok an bōd ippān Anij, Anij enaa j kar ba bwe e ban mej ke? Enaa j kar likūt bwe ren pād ilo jikin kallib eo im aolep men ainwōt moḷta ke? Jaab. Etke? Kōnke Anij e wānōk im kwōjarjar. Emōj An ba bwe eḷaññe re jab pokake, rej aikuj in mej. Emman bwe Adam en joḷok an bōd ippān Anij, bōtab men in e ban joḷok ruōn ak kaje eo. Eḷaññe juon ri uror ej joḷok an bōd ippān ri ekajet eo, emman, ak e jab jako ruōn ak kaje eo an.

2. Ewor wāween kōllaajrak ñan ippān Anij.

Juon iien Jeova Anij ear ba men in:



2 Kronikel 7:14 Eḷaññe ro doō, ṇa etaer kōn Eta, rej kattāik er make, im jar, im kappukot tūrun Mejā, im iḷok jan iaḷ ko aer re nana; innām Inaa j roñjake jān lañ im Inaa j joḷok er bōd, im Inaa j kaājmuur āne eo.

Ilo jinoin laḷ in, ke Adam im Iv raar jerowiwī, Anij ear kōṇaan katakin er ruo men bwe ren anjō iion jerowiwī. Juon, Anij wōt ej kappukot im loṃooren armej im, ruo, armej ren make kile im kwaḷok aer nana.

3. Anij ear kappukot Adam.



Jenesis 3:9 Im Jeova Anij Ear kūr ḷeo, im ba ñan e, “Ewi kwe?”

Adam im Iv raar jerowiwī. Kōn men in raar jab kōṇaan kōnono ippān Anij. Etke Anij ear kūr ñan Adam im Iv? Ta, Ear jab jeḷā ia eo rej tūliekik ie ke? Ta, Anij e jab pād ijo ko otemjej ke?

*** Anij e pād ijoko otemjej.**

Anij e jeḷā aolep men. Adam im Iv raar jab nojak jān E. Innām etke Ear kūr ñan Adam? Etke ear kappukot er? Meñe Anij ear iten kajeik Adam im Iv kōn aer jerowiwī, eḷap An kar yokwe er. Ear kōṇaan bwe ren errā Ippān im kile bwe re bōd kōn aer pokake Jetan.


Ejjeḷok oktak wāween an Anij jermal ippān armej ilo raan kein. Ej kūr wōt ñan kōj. Ej kappukot kōj meñe je jab kappukot E. Elmān an Anij kūr ñan kōj? Ej kūr ñan kōj ilo elōñ wāween.

1. Anij ej kūr ñan kōj ilo men ko jej loi raan otemjej. Ej kūr kōj kōn men in kōmanman ko An.



Sam 19:1-3 Lañ ko rej kōñnaan kōn aiboojoj an Anij, im mejatoto ej kwałok jermal an Pein. Raan ñan raan ej katōrłok naan, im boñ ñan boñ ej kwałok jełāłokjeñ. Ejjełok aer ba, im ejjełok enaan; je jab roñ ainikieir.

Kōn ad lale iju ko im kōn ad kōłmānłokjeñ kake aolep men in kōmanman ko jet, je jełā bwe ewor Juon e kajoor jān kōj. Ewor Juon e mālōtlōt jān kōj.



2. Anij ej kūr ñan kōj ilo Naan ko An (Baibōl). Baibōl eo ej naan ko an Anij ñan kōj kajjojo. E aorōk ke aolep naan ko me Anij ej ba? Aet. Innām etke je jab kijejer in reade Baibōl? Anij ear kanooj kōjparok Naan ko An bwe jen maroñ lukkuun jełā ankilaan ilo raan kein.



Hibru 2:3 Ekōjkan jen ko, ełaññe jej kajoole lomōor ełap āinwōt in? Eo ke Irooj ear ba mokta, ro rej roñjake raar kapen ñan kōj.

* **Anij ej kōnono ippān armej.**

4. Adam im Iv raar tilekek



Jenesis 3:10 Im ear ba, “Iar roñ ainikiōm ilo jikin kallib eo, im iar mijak, bwe ña I keelwaan, innām iar tilekek.”

Adam im Iv raar tilekek kōnke emōj aer jerōwiwi ñae Anij. Eñin un eo bwe elōñ re jab kōñnaan read Baibōl. Re jab kōñnaan bwe Anij En kakeememej er kōn aer jerōwiwi. Kōn ad melōklōke jerōwiwi ko ad, jej lōmñak bwe Anij Enaaj barāinwōt melōklōki. Bōtab Anij e ban melōklōk. Je ban ñooji jerōwiwi ko ad jān E.



Hosea 7:2 Im re jab lōmñak ilo būrueir bwe Ij keememej aolep nana ko aer; kiiō kōmman ko aer rej kōpool er; rej imaan Meja.

An Adam im Iv tilekek ej barāinwōt katakin kōj bwe joñan ad nana, je jab kappukot Anij. Adam ear kappukot Anij ke? Ear ba ke, “Anij iar jerōwiwi. Kwōn jipañ eō”? Jaab. Anij ear aikuj kappukot Adam. Roñjake mōk eoon in:



Aiseia 53:3 Kōj otemjej āinwōt sheep ko jaar jebwābwe; jaar jeorłok jabdewōt iad ñan ial ko an.

Barāinwōt Jijej ear ba men in ñan ro rū kałoran:



Jon 15:16 Koñ ar jab kālōt Eō, a ñan iar kālōt koñ...

Joñan ad kajoor ilo nana, ełaññe Jemādwōj ilañ ear jab ipertok kōj, innām je jāmin kar kappukot Anij.



Jon 6:44 Ejjelok armej ej maroñ itok ñan ippa eļaññe Jema eo ear jilkintok eō ejab ipertok e.

5. Anij ej kajjitōkūn Adam kōn an jerowiwī.



Jenesis 3:11 Im Ear ba, “Wōn ear ba ñan yuk bwe kwo keelwaan? Kwaar mōñā ke jān wōjke eo Iar jiroñ yuk bwe kwōn jab mōñā jān e?”

Unin an Anij kajjitōkūn Adam ej kōnke E kōṇaan bwe Adam en make kile bwe ear jerowiwī nae E. Anij ear kōṇanman Adam im Iv bwe ren yokwe im pokake E. Ekkar bwe ren leļok uwaak ñan E kōnke Ear kōṇanman er.



Hibru 4:13 Im ejjelok men in kōṇman ejab alikkar ñan E, a men otemjej re keelwaan im pelok iṇaan Mejān Eo ej pepeik kōj.

6. Adam im Iv rej ṇa ruon doon



Jenesis 3:12,13 Im leo ear ba, “Kōrā eo Kwaar letok bwe en pād ippā, ear letok ñan eō jān wōjke eo, im iar mōñā.” Im Jeova Anij Ear ba ñan lio, “Ta eo kwaar kōṇmane?” Im lio ear ba, “Serpent eo ear mone eō, im iar mōñā.”

Lale mōk! Adam ear ṇa ruōn lio, im lio ear ṇa ruōn serpent eo. Je jab kōṇaan kile bwe kōj ri jerowiwī. Jej kōṇaan lōmṇak bwe armej ro jet re nana jān kōj. Etke Anij ear leļok kōrā eo ñan Adam? Kōn An yokwe e. Bōtab Adam ej ukōt an Anij jouj ñan nana.

Elōñ loār (lawyer ilo court) rej wājepdik im re jeļā kilin ṇooje ṇool. Re jeļā kilen ikūri naan ko an armej. Rej ṇa ruōn armej ro me ejjelok rueir.



Bōtab Anij E jeļā men otemjej. E jeļā būruōn armej otemjej, im enaaj jejjet im jimwe An ekajete armej otemjej. Erki men ko im jaar katak kaki rainin? Ad joļok ad bōd ak kōṇman jermal ko reṇman re ban joļok ruōd. Bar juon, Anij wōt ej kappukot im lōmoṇoren armej, im āliktata, armej ren make kile im kwaļok aer nana. Eļaññe je jab kile men kein innām e ban jejjet kilen ad ukeļok.



Jabōn Kōṇnaan 28:13 Eo ej kalibubu bōd ko an, e jāmin jeraaṇman; a eo ej kwaļok im iļok jān e, enaaj bōk tūriamo.

Kajjitōk ko:

1. Adam im Iv raar ke kappukot Anij ke eṇōj aer jerowiwī?
2. Etke Anij ear kappukot Anij āinwōt ke raar jab kappukot e?
3. Ewi juon iaan wāween ko me Anij ej kūr ñan kōj kake?
4. Ewi bar juon iaan wāween ko me Anij ej kūr ñan kōj kake?

5. Adam im Iv raar kōmman ta ke raar jerōwiwi?
6. Eļāñņe Anij ear jab kappukot Adam im Iv renaaj kar kappukot E ke?
7. Mool ke bwe unin an Anij kajjitōk ippān Adam kōn an jerōwiwi, bwe Anij ear jaje?
8. Etke Anij ear kajjitōk ippān Adam eļāñņe ear jerōwiwi?
9. Adam ear ņa ruon wōn kōn an jerōwiwi?
10. Iv ear ņa ruon wōn kōn an jerōwiwi?
11. E kar jete an Adam jerōwiwi ke Anij ear joļok e?